

IIB MA GALE

# FAAFINTA RASMIGA AH

الرسمية



الجريدة

Sannadka 13aad Muqdisho 1 Jenaayo 1985 L. 6

JAMHUURİYADDA DIMOQRAADIGA SOOMAALIYA

لجمهورية الصومال الديمقراطية

FAAFIN BIL SOO BAXA

جريدة شهرية

**QIIMADU:** waa 5 shilin lambar waliba — **RUKUNKA:** Sanaadi waa Sh. 100 Soomaaliya gudeheeda - dibaddana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qiimaha qortitaanku F. R. halkii sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA

KOOWAAD

SHARCI

W. M.

LABAAD

QAYBTA

X E E R

XEER-SHARCI L. 3 ee 23 Maajo 1985, Canshuurta wax soo saarka. Bog; 347

DECREE N. 3 on 23 May 1985, Excise Tax Act. » 356

XEER MADAXWEYNAHA JDS, L. 20 ee 25 Maajo 1985, Billad Maar oo Waddanimo. » 364

XEER MADAXWEYNAHA JDS, L. 21 ee 25 Maajo 1985, Billad Qalin Waddanimo ah. » 365

Wakaaladda Madbacadda Qaranka

XEER MADAXWEYNAHA JDS, L. 23 ee 30 Maajo 1985  
Akadeemiyaha Sare ee Straatejiyada Sayid Maxamed Cabdulle Xasan.

MADAXWEYNAHA JDS

- MARKUU ARKAY: Dastuurka JDS;
- MARKUU ARKAY: Sharciga 8 Abriil 1960 L. 15aad  
Dhimaha XDS;
- MARKUU ARKAY: Qod. 9aad Sharciga tirsigiisu yahay 6 ee soo baxay 31.12.1969;
- MARKUU DHAGEYSTAY: Talo soo jeedinta Golaha Wasiirada Jamhuuriyadda Dimoqaraadiga Soomaaliya;
- ISAGOO TIXGELIYEY: Ujeedada iyo Himilada Kacaanka 21ka Oktoobar oo ku salaysan in aqoontu tahay furaha Horumarka Mujtamac kasta.
- ISAGOO TIXGELIYEY: Ahmiyadda wayn ee sare u qaadda tabta tababarrada Ciidanka iyo guulihii laga gaaray jiritaanka Kulliyadda Ciidanka Lugta ee Jaalle Siyaad iyo Abbaanduulka Axmed Gurey;
- ISAGOO TIXGELIYEY: Soo jeedinta Wasiirka Wasaaradda Gaashaandhigga Jamhuuriyadda Dimoqaraadiga Soomaaliya.

WUXUU XEERIYEY

Qod. 1aad

In la abuurto Akadeemi Sare oo lagu barto Istaraatejiyada, Dhaqaalaha, Siyaasadda, Bulshada, Caskariga iya Dublumaasiyada.

Waxaa Akadeemiga lagu magacaabay «AKADEEMIGA SARE EE ISTARAATEEJIYADA SAYID MAXAMED CABDULLE XASAN»

Akadeemigu wuxuu ka kooban yahay 2 Kulliyadood.

b) Kulliyadda Sare ee Istaraatejiyada Difaaca

iyo Nabadgelyadda Qaranka, waxaana wax ku baranaya Mas'uuliyiinta sare ee Qaranka iyo saraakiisha sare ee Ciidamada Qalabka Sida Jamhuuriyadda Dimoqoraadiga Soomaaliya.

- t) Kulliyadda sare ee Istaraatejijyada Dagaalka, waxaana wax ku baranaya saraakiisha sare ee Ciidamada Qalabka Sida Jamhuuriyadda Dimoqaraadiga Soomaaliya.

Qod. 2aad

Xarunta Akadeemiga waxay noqonaysaa magaalo Madaxda Jamhuuriyadda Dimoqaraadiga Soomaaliya.

Qod. 3aad

Heerka Waxbarasho ee Akadeemigu wuxuu noqonayaa heer Akademiyeedka Caalamiga ah iyo kuwa la midka ah ee ka jira Adduunka.

Qod. 4aad

Maamulka Akadeemigu wuxuu hoos imaanayaa Wasiirka Wasaaradda Gaashaandhigga Jamhuuriyadda Dimoqaraadiga Soomaaliya.

Qod. 5aad

Habka maamulka Akademiga, qaabkiisa dhismo, waxbarasho wuxuu ku soo baxayaa Xeer hoosaadka ay soo diyaariso Wasaaradda Gaashaandhigga Jamhuuriyadda Dimoqaraadiga Soomaaliya.

Qod. 6aad

Macallimiinta wax ka dhigeysa Akadeemiga waxay noqonayaan mas'uuliyiinta sare ee Qaranka iyo aqoon yahanno sare x laga soo xulay Hay'adaha kala duwan ee Dawladda iyo Ciidamada Qalabka Sida.

Qod. 7aad

Wasaaradda Gaashaandhigga waxay kala imaan kartaa Dalka Dibadiisa Khubaro iyo macallimiin wax ka dhiga Akadeemiga haddii loo baahdo.

Qod. 8aad

Xeerkan wuxuu dhaqan galayaa 30ka May 1985.

Muqdisho, 30 May 1985

MADAXWEYNAHA JDS

S/Gaas Maxamed Siyaad Barre